

Nepomuk Gaschi

Ausschnitte aus dem Programm 2011

i stohn, i stohn, i stohn – i stohn, i stohn
i stohn, i stohn, i stohn – i stohn, i stohn
i stohn, as kunnt miar – a huara Längi vor
i glaub, i stohn – im Kreisel bim Obertor

im Bundeshus passieren – rechte Sacha
statt reda köhrt ma wüerkli – gär alli Lacha
dank am Merz – dem Schtotter-Held
kennt ma z’Bü-Bü-Bündnerfleisch – uf dr ganza Welt

Josefina Lulu Bubu Bambolea
isch a Negerfrau – wohnt in WestGuinea
isch musarm – hät nu a Hütta und Tisch
und glich viel Medallia – wia üsi Nazi z’Garmisch

Sorga macht üs dia – cheiba Demografie
meh Kinder sus ischs – mit dr Renta verbie
zweiahalf Kinder noch Burkhalter – findi doof
denn säg miar Didier - wia machsch a halba Goof

heisses Wasser und a Bütel – das git Tee
heisses Wasser kasch zemma – mit Kaffipulver neh
brennt und destilliert – gits us Öpfel an Klara
und s’neui Kuhrer-Biar brauens bim Überlauf vur ARA

wenn dä Gaddafi dia Gwalt – nit kann verklemma
stuchten d’Calmy Rey – vu Amtes wega zemma
dia tuat dä Zemmaschiss – diplomatisch gstalta
und wemmer Glück hän – tuat er sie dunna bhalta

a Blick in d’Kassa – und dr Hitsch kriagt graui Hoor
das druckt im d’Träna in d’Auga – isch laider woohr
doch dr Rolli weiss Roht – mitra versteckta Stür
miar verlangen bim Kreisel am Obertor – a Standgebür

ihm stohts, ihm stohts, im stohts – er tuat im stoh
ihm stohts, ihm stohts, im stohts – er tuat im stoh
„i bini multo geilo – mini Potenza isch nit ohni
sono a Tschingalli – mi chiamo Berlusconi

vor vierzig Johr hän miar – da Frau s’Stimmrecht geh
jetzt häns üs au no – s’Gwehr wella neh
d’Wyber machen a Vorstoss – si könns nit loh
wenn a neus Gsetz – gega s’Brunza im Stoh

dr Wüaschtakönig – Gaddafi Muhammar
gseht us wis Arschloch – vum a Dromedar
nei doch nit gliich – im Fernseh han i’s gseh
s’Arschloch vum Dromedar – das hätt doch kei Zäh

Doktor Guttenberg – zu und Karl-Theodor
hätt dr gliech Job wia dr Uali und kunnt miar au so vor
dr Karli glänzt mit – dem schlechta Plagiat
dr Uali macht bim VBS – a fertiga Salat

nümm reda und kei Sex – nüt mit zartem Fleisch
s'Schätzli isch varruckt – und i wixa, weisch
sit zwei Monat Funkstilli - isch jo kei Verbrecha
denn i tuan si bim Schwiga - jo nit unterbrecha

jetzt drehe's dura – weg dera Nano-Euphorie
d'Frau Caluori und d'Frau Hemmi – sind au dabie
dr Rolli hät s'Nano verschluckt – das isch verruckt
und dä Ueli hät sich – das Nano als Zäpfli inadruckt